



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. XVII. An inobservantiam legis excuset à culpa inculpabilis ignorantia
comitans?

[urn:nbn:de:hbz:466:1-73031](#)

occurrere. Unde si leges in Authoribus has, & similes propositiones: *frequenter fieri solita sunt libera in causa*, intelligendum est, quoties ante positionem causae cogitationi occurront ejus effectus; secus, si non occurrant actualiter. In dubio tamen, utrum occurrerit, censendum, quod ita; quia in obscuris judicandum, quod vero similius, aut quod plerumque fieri consuevit.

898. Resp. 3. juxta quantitatem culpæ, quæ est in causa, mensurari culpam in subseguente effectu solum in causa voluntario. Hinc si ebrietas est tantum venialiter mala, effectus solum voluntarius in causa, duntaxat cum veniali culpa liberè admissa, similiter erit tantum venialiter malus. Imò licet causa esset mortaliter mala, si tamen negligentia, quæ in effectibus ipsius præcavendis commissa fuit, sit levis, actus subsequentes non nisi levis malitia culpam contrahunt; quia nemo dat plus, quam habet; & quoniam talis effectus solum habet malitiam catiæ, cum ponatur non esse nisi in causa liber; malitia vero causa imputabilis ponatur solum venialis, plus non habebit effectus, nisi malitiam venialem.

§. XVII.

An inobedientiam legis excusat à culpa inculpabilis ignorantia comitans?

899. Ignorantia concomitans nihil est aliud, quam, quæ quis invincibiliter ignorat suum vitiosum affectum, quem vel habitualem, vel conditionatum, vel actualiem habet, per hunc actum externum ex alio fine hic & nunc volutum, factò ipso expleri. Exempli causâ: habet quis actu, vel habitu affectum internum, quo vellet occidere inimicum, si occasionem haberet; & (post debitam diligentiam, an objectum, in quod jaculari vult, sit fera, vel homo?) invincibiliter errans, putansque seram esse, jaculatur in objectum, quod in re est jaculantis inimicus: tali casu inimici occisio facta dicitur cum ignorantia comitante pravum ejus affectum, non causante; quo posito: R. quod talis ignorantia simul existens cum dicto affectu nunquam inficiat actum, cuius est comes.

Nam omnis actus internus in tantum actum externum inficit, seu vitiat, in quantum cum imperat; sed nec ignorantia concomitans invincibilis, nec etiam ipse pravus affectus internus imperat actum externum, quem comitatur; ergo non vitiat. Contraria sententia in eo falli videtur, quod effectus subsecutus ex actu imperato, dum fiebat, fuerit ab operante, internè concupitus, quæ concupiscentia, licet faciat, cum non esse operanti contrarium, non tamen efficit, quod ei sit voluntarius in actu externè posito; ita Thomas Sanchez cit. n. 13.

Hinc inferes. 1. ignorantiam concomitantem excusare ab excommunicatione,

900.

& irregularitate ex delicto, aliusque similibus poenis; quia Ecclesia non potuit eas penas propter actus internos imponere; & actus externus ex interno, licet pravo, in hoc casu non procedit, consequenter culpâ caret. Inferes. 2. ex hac ignorantia non oriri obligationem restituendi, quoties proximo per actum, cuius est comes, aliquod damnum infertur, quia actus, illatus restitutio*nis*, debet esse culpabilis in ordine ad damnum illatum; intellige, quando restitutio*nis* obligatio nascitur ex actione formaliter injusta. Inferes. 3. cum, qui contrahit cum Berta, existimans esse Cajam, licet sit ita dispositus internè, ut esto sciret, non esse Cajam, sed Bertam, tamen cum hac contraheret, non contrahere verum matrimonium; ratio sumitur ex defectu *actualis voluntarij* in Bertam externè proditi. Nam affectus etiam *actualis* in Bertam non influit in externam promissionem; Dicastillo tr. 10. de matr. D. 7. d. 7.

Inferes. 4. secundum aliquos sponsalia, 901. cum ignorantia concomitante invincibili alicujus defectus notabilis contracta, tenebre; ratio est, quod hic defectus non possit dici *absolutè* à contrahente *incognitus*; cum per illam ignorantiam fuerit ita dispositus, ut illo non obstante voluisse contrahere. Disparitas autem inter hanc, & priorem illationem est, quod ad matrimonium consensus de praesenti, id est, *actualis voluntarij* requiratur; in sponsalibus autem, ut illa non possint propter aliquem defectum irritari, fatis est, quod ille defectus non fuerit contrarie involuntarius; ita P. Herdinck s̄epe cit. Verum hoc

hoc limitandum videtur, ut non procedat, si carentia defectus alligatus fuit consensus; 2. si consensus externus in Bertam non procedat ab interno in eandem. 3. quoad ly, ut non possit irritari talis contractus post cognitum illum defectum notabilem. De his *V. dicta l. 4.*

902. Inferes. 5. quod omnis ignorantia, etiam vincibilis, modo non sit affectata, saltem minuat culpam, quia minuit voluntarium; exemplum est in peccato Pilati, *Joan. 19. v. 11.* de quo Christus sic loquitur: *qui me tradidit tibi, magis peccatum habet.* Dixi autem, modo non sit affectata. Nam ignorantia affectata solet aequiparari scientia. *c. ult. de rescript. in 6.* ibi: *cum taliter contrahendo non expertes scientia videantur;* & Layman in *c. 20. de elec[t]. n. 6.* habeturque etiam in *c. 2. de constit.* in *6.* teste Pirhing *de Judicijis, n. 44.* hinc si ob finem liberius peccandi, negligo sciendi occasionses, at alia ponit impedimenta libertatis in futurum, culpa fit auctior: excipe tamen ab hoc augmento finalitatem illam ignorantiam affectatam, quæ ob fines ex circumstantiis bonos assumeretur; Sanchez *cit. c. 17. n. 5.*

903. Inferes. 6. in foro externo alleganti ignorantiam legis, aut edicti publici, sine probatione non credi, ut dicitur *c. fin. qui matrimonium accusare.* Nam non ei, qui negat, sed, qui affirmat, imponitur onus, seu obligatio probandi. *L. 2. ff. de probat. L. Actor 23. C. eod.* Unde, quod dicitur *reg. 47. de reg. juris in 6. ignorantiam presumi, ubi scientia non probatur,* fallit. 1. in facto proprio; quia nemo presumitur ignorare factum proprium, *c. Ab excommunicato, de rescriptis,* nisi interdum ob temporis diuturnitatem, ut notat *Mascardus de probat.* Fallit. 2. si quis dicat, se nescire, quæ scire sui officij est, *c. innotuit, de elec[t].* Fallit. 3. si quis dicat, se nescire, quæ publicè gesta sunt, *c. 1. de postulat. Prælat.* & cit. *c. ult ibi: cum rationabiliter presumatur, quod denuntiationem, publicè factam, idem existens in diaecesi, minimè ignoraverit;* quod tamen intellige pro foro externo.

904. Ratio hujus est, quia, quod in dictis casibus presumatur scientia, non ignorantia, non est ex natura rei, sed totum fundatur in presumptione juris, quæ admittit probationem in contrarium, qua-

posita admitti debet allegatio ignorantiae. Hæc probatio praestatur. 1. si jus sit valde abstrusum, & non nisi valde doctis cognitum; Molin. *D. 71. n. 10.* Nam legis ignorantia est probabilis, si lex sit dubia, vel obscura, ut notat Layman in *c. ult. de constitut. n. 2.* Praestatur. 2. si quis probet, se inter homines non habitasse, vel carcere conclusum fuisse. 3. si probet se fuisse absentem à diecesi, provincia, vel loco legis promulgatae. 4. in muliere, militie, minore 25. annis, simplici agricola, facilior est conjectura ex circumstantia personæ, quod legem inculpat ignoraverit. Si autem ignorantia solum semiplenè probata sit, in supplementum deferri à Juge juramentum potest. Gail. *l. 2. obseru.* *148. n. 23.* Molin. *D. 71. n. 3.* Layman in *cit. c. 2. de constitut. n. 5.* ob regulam communem: quod ea, quæ occulta sunt, aut in animo consistentia, cum aliam dilucidam plerumque probationem habere non possint, juramento confirmari debeat.

§. XVIII.

*An legis inobservantiam excusat à culpa periculum gravis nocu-
menti?*

L Oquimur de culpa ex inobservantia *905.* legis humanae. Unde quæstio in præfensi est 1. an quis lege humana obstringi possit ad aliquem actum, cui grave documentum annexum est, impendens subditto, si debeat illud implere? Et ad hoc respondetur affirmative, si ejus observantia bono communi graviter necessaria sit: sic Covaruvias in *c. Alma, p. 1. Q. 3. n. 9.* Suarez *l. 3. de legib. c. 30. n. 4.* cum communi. Nam quælibet pars communitatis, secundum quod graviter periclitatur bonum commune, graviter obligatur etiam posthabito bono suo privato, conservando communitatis bono; quia bonum commune semper preferendum est bono particulari; intellige, secundum quod (*hoc illi posthabere*) conservatio boni communis indiget, & non amplius. *906.*

Ex hoc collig. 1. licet subditos, etiam graviter, obligari ad præstandum actum bono cummuni graviter necessarium, licet ei annexum sit grave documentum particu-